



ابونه قشانی

ممالک عثمانیہ بلغارستان بوسنه

هرساک مصر ، قبریس

وکرید ایچون

سنه ١٢٠٠ آلتی آیلنی ٧٠

غروشدر

استانبول ایچون سنه لکی ١٠٨

غروش

فولک

١٣٢٤

اتحاد محمدی جمعیتک مروج افکاریدر

صاحب و مدیر مسئولی

قبریسلی درویش وحدنی

امور تحریریه ایچون مدیر مسئوله

مراجعت اولنور

آدره سی :

یر باتانده ساقی بک مطبعه سی

جمعه ٢٠ شباط ١٣٢٤ ٥ مارت ١٩٠٩

١٣ صفر ١٣٢٧

١٣٢٧

طنیندن استیضاح

طنین غزته سنه سنک ایکوز اون نومرولی
سخه سنده و « شریعت ایستز » عنوانلی
نقاله سنک نهایتده قرآن عظیم الشانک امر
رارانه بیوردینی وجهله احکام شرعیه نک
تمامها اجرا سنه رعایت اولنسی باینده تنظیم و ترتیب
رمبعوثان کرامه تقدیم اولنان مضبطه ده رأی
بولنان مسلمینک حدسزلکله اتهام ایدلدیکی
کورلمشدر . شمدیه قدر مثلاً مطبوعات
نظامنامه سی وسائر کبی برچوق مواد حقنده
جمعیتلر تشکل ایدوب پروتستولر یازیلوب ملت
وکیللرینه ویرلدیکی و بونلردن هیچ بریسی
حدناشناسلقله رد و تحجیل ایدلدیکی حالده
دنپویی ، اخروی سعادتیزی تأمین ایتدیکی
ایضاحدن مستغنی اولان شریعت غرای
احمدیه نک مرعی الاجرا اولنسی امرنده افراد
اسلامیه نک افکار عمومیه سنی وکلای ملته عرض
ایدن برورقه مقدسه من صاحب مقاله طرفندن
نصل اولورده تقییح اولینیور ؟ مقاله صاحبی دوشونه
مامشیمی که : کندیسسی وکیل مات اولوق شرفنی
حاز اولوب بوکی مواد مهمه ده تقییح و تحسین رأینی
انجق مجلس مخصوص ملیده بیان ایتک لازمکلدیکی
ولتمزک سائر رمبعوثان کرام و وکلای ذوالاحترامه
تنظیم و تقدیم ایدیلان مضبطه یه بالعموم حسن
قبول کوستروب بوبابده کی آمال ملتی اسعاف

ایده حکمرینه وعدو تمهدلر و یروب مضبطه منزی
تجیل ایدرهک ، دکل حدناشناسلق اسنای ،
شان مبعوثیه لایق بر صورتله تصویب ایتشلرکن
صاحب مقاله هانکی فکر مصیبله مات اسلامیه نی
بربره بقال ، حلاج ، قلمده کی کاتب یاخود
مدرسده کی طلبه دیهرک حدسزلکله تحقیر
وتشهر ایدیور ! عجبا مضبطه ده کی مهرلرک
اراسنده بونجه علما و فضلائک مهرلرینی کور
مامشیمی ؟ مضبطه نی تقدیم ایدن مدرسین کرامی
کور مامشیمی ؟ افراد ملت و باخصوص مدرسسه
طلبه سنی کوچک کوریور و تشبثلرینی زائد
بولیور ، و حدسزلک اسناد ایدیورسه ،
طلبه نی او قودان درس عاملره نه دیه جکیز ؟
سکونت و ادب دائره سنده موافق بر فکر منزی
حدناشناسلغه حمل ایله کندینه مخصوص بر غزته ده
انظار عامیه نه فکره مبنی عرض ایتدیکی صورار
و ایضاحاتی بکارز .

علمیه دن

حسن تحسین

وولقان

اوج کوندن بریدر طلبه علوم ، اوملتک
مردمک چشم افتخاری اولان طلبه علوم طر-
فندن شکایتلری حاوی برچوق ورقه ورود
ایتمکده و کافه سنک محق اولدینی ده نظر شکران
ایله کورلمکده در . بومسئله حد ذاتنده پک

محقدر . لکن طلبک شکلی بیلنمک الزمدر .
امین اولکیز که : سزک اوصمیمی اولان تشبثات
دیندارانه کیزی تدویر ایدن الار اراسنده ، پک
مردار اولانلری ده واردر . اوپله دینسز ، ایما
نسزلر ، موجوددر که : شریعت احمدیه کی نور ،
یالکیز بر نور سماوی اولان اومنچی بشری
آمال مفسد تکارانه لرینه الت اتحاد ایدرک
شمدی یه قدر پک چوق ملعتلر اجرا ایلد
کلری کی ، ینه اومقصد خائنانه مبنی شو زمان
مسعود مزده دخی اصحاب حقی الله ایتک
ایستیانلر پک زیاده بولندیغنه اینانکیز .

اوپله لینی کوردک که : دینه عائد مکالمه
اثناسنده غشی آور بر طور ایله ، الله ، دیر ،
لکن اوکله مقدسه ، قلبندن ، دکل غیر تلاغندن
چیقار .

اوپله لری مشهود من اولمشدر که : خلیفه
طرفندن بر پیام کلدیکی حسن ایدنجه ، ابدستیز
اولدینی حالده ، سجاده اوزرنده بولنوردی .
ینه اوپله لری نظر مزدن قاجامشدر که : باب
عالیده ، اوتده ، بریده ، النده طقسان طقوزلق
تسییح ، بریسنی کوردیکی زمان ، دوداقلری
اوینار ، برشی سویلمک ایسته سهک ، تسبیحک
بش اون دانه اشاغیسنندن طوتارق ، باشیله ،
کوزیله . ایله اشارت ایدرک اورادینک ، او -
مقدار ده قالدیغنی بیلدیرمک ایستز . حالبو که :

